



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. IV. A Elector absens Procuratorem constituere possit, qui suo nomine, & loco eligat, vel per litteras suum votum seu suffragium dare possit.

[urn:nbn:de:hbz:466:1-61641](#)

lam 31. in 6. certiorari ulterius non debat, qui certus jam est.

In casu tamen, quo aliqui dicto modo contempti fuerunt, electio quidem facta, casu quo duæ partes eorum, qui potuerunt, & voluerunt, electioni adfuerint, ac alia observata fuerint, velut de jure valida subsistit, quia duæ partes tales Collegij seu Universitatis, totius Collegij vicem exhibent juxta Gloss. in l. nulli 3. V. duæ partes FF. quod eius. Universi nom. possunt tamen contempti agere, etiam si unicu[m] tantum sit, ad rescindendam Superioris auctoritate electionem talem, se contemptus peractam; ob injuriam scil. illis factam, prout expressum habetur in c. quod sicut 28. b. t. juncta Gloss. V. consentire, quamvis electus ille confirmatus, imò consecratus jam esset, nisi post cognitam electionem, se contemptis, factam, ob bonum pacis, in eam postmodum conferuerint, & sic iuri suo, & favori pro se introducto cesserunt. Imò si jus eligendi alicui competit, non tantum ratione Canonicius, quem habet, sed ratione Dignitatis, potest etiam successor in Dignitate de contemptu agere, ut tradit recepta Gloss. V. consentire, cum injuryia, qua illata est dignitati, non expireret cum eo, qui dignitatem habet c. si gratiosè 5. de Rescript. in 6. Quod si tamen Capitularis absens, & nunquam citatus, aliunde relata diem electioni præfixum, probabile est, quod de contemptu agere non possit ad rescindendam electionem; neque enim scienti denuntiatio facienda est juxta Reg. 31. in 6. si ea fieri tantum debat, ad notitiam rei habendam, sicuti fieri debet in casu electionis.

Compend. Pirhing.

§. IV.

An Elector absens Procuratorem constituere posse, qui suo nomine, & loco eligat, vel per literas suum votum seu suffragium dare posse.

REF. 1. Posse Procuratorem constitueri, qui sit de gremio Capituli, si Capitularis absens quidem sit, sit tamen in loco, unde vocari debeat, tam tempore vocationis, quam tempore electionis, & justo impedimento detineatur, ob quod ad electionem venire non possit, de quo, si opus fuerit, sive si requiratur, fidem faciat juramento, uti Pontifex statuit in c. quia propter 42. h. t. §. illud autem. Quamvis enim ordinariè per Procuratorem quemcumque in aliis negotiis agere quis possit, speciale tamen hoc est in casu electionis, ubi videtur electa industria Personæ eligentis, & major cautela necessaria censetur; & hinc possunt quidem juramentum de impedimento legitimo Electores remittere, cum potissimum sit in favorem eorum introductum, & ob hanc etiam rationem extraneum admittere, ut procuratorio nomine loco absens legitimè Capitularis eligere possit, requiritur tamen, ut omnes Capitulares præsentes unanimi consensu, & nemine contradicente, procuratori juramentum, aut probationem impedimenti remittant, aut extraneum admittant argu. c. scriptum 40. b. t.

Quod si vero absens ob legatum impedimentum ab Electione, procuratorem constituere velit, potest vel unum tantum de gremio Capituli, vel plures etiam constituere, prout ipsi expresse

conceditur, in relato c. quia propter. Ita tamen ut singulis in solidum committat potestatem suo loco eligendi, ut scilicet unus sine altero eligere possit, & uno impedito, aut reculante, alter vices sup- pleat, & inter hos detur locus præventioni, nisi ex mandato procuratorio ille admittendus videatur, qui priore loco nominatus est: qui duo quidem vota habebit, unum ex proprio nomine, tanquam Capitularis illius Ecclesie; alterum nomine procuratorio, illius scil. nomine, cuius procuratorem agit; in casu tamen, quo cum mandato generali tantum constitutus est, non potest in scrutinio alium suo nomine, & alium illius nomine, cuius procuratorem agit, nominate, prout expressè statuit Pontifex in c. si quis 46. b. t. in 6. nisi de speciali Persona eligenda speciale mandatum habeat; sicuti enim in casu generali tantum mandati constituti Procuratoris industria relinquitur, qua nam Persona digna videatur, ut eligatur, non possit autem idem ipse jam hunc, jam alterum dignitatem altero judicare, consequenter in casu talis generalis mandati ad eligendum, non potest alium suo nomine, alium procuratorio nomine nominare, sicuti potest in casu specialis mandati ad specialem personam procuratorio nomine nominandam.

Reff. 2. Casu quo nullus ex gremio in se suscipere velit procuratoris officium, in ordine ad eligendum, absens nomine, neque Capitulum velit extraneum admittere, non potest absens Capitulatis per litteras suum suffragium, & votum submittere, si accurate servari debeat in tali electione forma scrutinij in relat. c.

quia propter praescripti, ut patet ex cit. c. si quis. cum enim juxta c. Quia propter, non ante scrutinium, sed in hoc secreto, & sigillatim suffragia ferenda sunt, consequenter nullum est suffragium, quod ante scrutinium scriptum est; nisi per conspirationem, & fraudem nullus procuratoris in le munus suscipere velit, quo in casu impeditus Capitularis, qui legitime procuratorem constituere vult, potest de iniuria, & contemptu agere, ac petere rescissionem electionis argu. c. cum dilectus, 32. b. t.

§. V.

*De expensis faciendis pro funere
Prælati defuncti, & Electione
Successoris.*

Pro exequijs & funere defuncti ordinati, & moderati sumptus, pro famulis etiam, & officialibus defuncti &c. debent prestari ex redditibus Ecclesie vacantis, seu ad mensam Episcopalem spectantibus; & si hi non sufficient, debet etiam Capitulum ex redditibus sua mensa, subliuum afferre, cum non tantum Ecclesie, sed ipsius etiam Capituli intersit, honorifica Prælati sepultura. Expensas autem in electionem successoris necessaria faciendas, Ecclesia vacans omnes subministrare debet, non tantum, que fieri debent in nuntijs mittendis ad convocandos absentes Capitulares, in Notarios, Jurisperitos necessarios &c. sed illa etiam, que fieri debent ad petendam confirmationem &c. c. ut præterea 45. b. t. Cum haec omnia fiant principaliter in bonum Ecclesie. Quod si vero electio oppugnetur, quis

ex-